



## **Uunga siunnersuut: Utoqqaat Illersuisuat pillugu Inatsisartut inatsisaannik allanngui neq pillugu Inatsisartut inatsisaat**

(Isumaginninnermut Sulisoqarnermullu Naalakkersuisoq)

### **Siullermeenera**

Utoqqaat Illersuisuat pillugu Inatsisartut inatsisaat nr. 37, 28. november 2019-imeersumi allannguuteqartoqannissaanut Naalakkersuisup saqqummiussaani qujalluta Naleqqamiit imatut oqaaseqarfīgissavarput.

Utoqqaat illersuisuata allattoqarfia maannakkuugallartoq isumaginninnermi aqutsisoqarfimmit isumagineqartup allattoqarfiup ingerlanneqarnerata allanngornissaanut kissaat Naleqqamiit tamakkiisumik tapersorsorparput, tassami utoqqaat illersuisuat namminerisamik allanullu attuumassuteqarani allattoqarfeqaleruni isumaqarpugut taamaasilluni utoqqaat nipaata nukittunerulernissaa anguniarneqarsinnaassasoq.

Utoqqaat illersuisoqalernissaanut ukiakkut 2019-imi (UKA/19-mi) oqaaseqarnitsinni ilaatigut aamma illersuisunngortussap sulinermi atugasarisassai ilanngullugit pitsaasumik aaqqinniartariaqartut eqqaagatsigu kiisami tamanna piviusunngulertutut isikkoqartoq nuannaarutigalutigu Naleqqamiit tamakkiisumik siunnersuut taperserlugu ataatsimiititaliamullu susassaqartumut suliarineqarnissaa innersuussutigaarput.